

vnd freyheit gegeben würde / die jenigen scharff
 in die straffe zunehmen / so das Ackerwerck vn-
 fleissig trieben. Daraus leicht abzunehmen /
 wie groß den alten der Feldbau angelegen ge-
 west sey. Über dieses / eben jetzo angezogener
 Autor, nach dem er das Ackerwerck hoch vnd
 sehr gelobet / vnd endlichen noch darzu beweisen
 wil / daß die alten sonderlich Feldrecht gehabt /
 zeugt er Caij Furij Cresini Exempel an / wel-
 cher / nach dem er von einem kleinen stücke Acker
 viel mehr Getreide / als seine Feldnachbarn auff
 grossen Feldern / erbarwet / beklaget werden / als
 zauberte er den nachbarn die Früchte abe / vnd
 brächte sie durch Zauberey auff seinen Acker :
 Welches draun eine beschwerliche vnd gefehrli-
 che bezüchtigung war. Darumb / als er der-
 halben von S. Albino vor Gerichte erfordert
 ward / vnd in gefahr stunde / nam er auff den an-
 gestelten Gerichtstag alle sein Ackerzeug / als
 Pflug / Egen / Hacken / Rechen etc. Beneben sei-
 ner Tochter einer frischen starcken Madonnen,
 vnd

vnd